

ciei praedicatione, analogice vero ut multa ab uno dicantur? Id enim fatemur. Sed quod infert:⁸⁶ *Has enim scimus ipshominem et ipsequum addentes sensibilibus verbum (ipsum) non uti identitatem prorsus significarent, sed excellentiam illorum ab his, nec sensibilibus verbum ipsum additur, sed illis, ut significet simpliciter vere, per se, incommixte, essentialiter. Sophismata ergo haec sunt Aristotelis distorta ac perversa.*

Libro sequenti capite 3. quod tantopere tot prioribus locis negaverat ideas esse, in hoc dubitanter negat:⁸⁷ *forte vero neque substantia sunt, etc.* Et capite 6:⁸⁸ *Quid ergo est, quod facit unum hominem, et cur unum et non multa veluti animal et bipes, praesertim si est, sicuti dicunt quidam, ipsum quid animal et ipsum bipes.* Imo hic homo est multa materia, forma, totum, partes neque potest unum ne cogitari quidem nedum nominari aut definiri, et si unum est unione et vinculo sanguinum, nervorum, musculorum, spirituum, unum est illud vero ipsanimal, vere est unum multis constans partibus, sed unum simplici unitate.

Ad ea, quae fine libri 7. habet, iam respondimus. Quae vero 5. Sapientiae capite 4. recenset, eadem prorsus sunt cum his, quae capite ultimo primi narraverat, quae cum ibi versaremur, falsa esse ostendimus. Quae vero non eadem de ideis et numeris commiscet nihil adversus Platonem, qui in hanc rem ne verbum quidem scripsit, faciunt. Ideoque sunt nobis omittenda.

Restat modo, ut ad ea respondeamus, quae Ethicis Nicomachi libro 1. capite 6. disputatum vel a^{xxi} patre vel a filio est. Ait ergo:⁸⁹ *Qui attulerunt opinionem hanc, non fecerunt ideas, in iis prius*

⁸⁶ ταύτας γὰρ ἴσμεν, αὐτοάνθρωπον καὶ αὐτόϊππον, προστιθέντες τοῖς αἰσθητοῖς τὸ ῥῆμα, τὸ αὐτό. [ARIST. Metaph. 1040b.33 – 34]

⁸⁷ ἴσως μὲν οὖν οὐδ' οὐσίαι εἰσὶν [ARIST. Metaph. 1043b.21]

⁸⁸ τί οὖν ἐστὶν ὃ ποιεῖ ἐν τὸν ἄνθρωπον καὶ διὰ τί ἐν ἄλλ' οὐ πολλά, οἷον τὸ τε ζῶον καὶ τὸ δίπουν, ἄλλως τε {δὴ} καὶ εἰ ἔστιν, ὥσπερ φασί τινες, αὐτό τι ζῶον καὶ αὐτὸ δίπουν; [ARIST. Metaph. 1045a.14 – 17]

⁸⁹ οἱ δὲ [δὲ] κομίσαντες τὴν δόξαν ταύτην, οὐκ ἐποίουν ιδέας ἐν οἷς τὸ πρότερον καὶ ὕστερον ἔλεγον, διόπερ οὐδὲ τῶν ἀριθμῶν ιδέαν κατεσκεύαζον. [ARIST. E N 1096a.17 – 19]

^{xxi} Corr. ex e